

His rare ✓

2

2



# DE COLO RIBVS.

ANTHONII THYLESII COSEN

tini libellus, in gratiam elegantiae Latini  
sermonis studiosorum conscriptus: in  
quo multa propter aliorum opinionem.

EX TIMAEO PLATONIS DE CO-  
loribus, MARSILIO FICINO  
interprete.

EX noctibus Atticis A. GELLII de colori-  
bus caput unum.

ITEM quae notauit in caput A. Gellij LAZA-  
RVS BAYFIVS.

Cum alijs quibusdam eiusdem argumen-  
ti autoribus.

LONGOLIVS.

Τίς λίσσι θυλίσιον σκαίως περὶ χρώματος ἐπιπῶν;  
ποικιλῆς γὰρ ἐὼν οὐχ ὑπεγράφε χροάσ.  
Τὸ μὲν, ἐγὼ φημι κλαίειν ἢ γράμματ' ἀκούειν,  
Ζωγράφει ὡς ἔβλη ῥήτορα, θυλίσιον.

# ANTONII

## THYLESII COSENTINI

de coloribus libellus.

**D**ICAM aliquid de coloribus in hoc libello, non quidem unde cōficiātur, aut quæ sit eorum natura: neq; enim Pictoribus hæc traduntur, aut Philosophis, sed tātum Philologis, qui Latini sermonis elegantia studiose inquirunt. Scribam omnia breuiter & accurate: ac rerum ipsarum nomina, quo statim Colores intelligantur, singulis apponam.

### COERULEVS, CAP.

**E**Xordiar primum à Cœruleo: quo nisi natura ipsa maxime gauderet, nunquam profecto deorum hoc domicilium, Cōtinuo Circum Complexu Cuncta Coercens, specie tam læta uniuersum exhilarasset: reliquos deinde contextam. Cœruleus igitur dictus quasi Cœluleus, \* ut ex uoce ipsa apparet, proprie color est Cœli, sed sereni: id quod ENNIVS respiciens, cœli inquit, Cœrula templa: atq; inde ab omnibus mare appellatur Cœruleum, refert enim illud, eundem, quem ab ipso superne accipit cœli nitorem. Quare ex antiquis nonnulli, ut alterum Homeri opus, propter cædes, de quibus illic poëta loquitur, colore exornabant sanguineo: sic Odysseam ubi Vlyssis idem maritimos scribit errores  
membrana

Mare cœruleum.



## DE COLORIBVS LIB.

membrana contegebant Cœrulea. Sed quoniam Cœrulei quædam species est penè nigra, ut quod Indicum dicitur, eoq; olim uestitu Græcæ mulieres amictæ producebant eorum funera, quorum in cœlum animas migrasse cœruleum existimabant, idcirco pro tristi nonnunquam capitur, ut apud Vergilium, puppis Cœrulea Charontis. Imberque & Sol Cœruleus. Cucumis autem Cœruleus, nam id quoq; legitur, Melo peponem significat, qui inter Cucumeres (multa enim sunt eorum genera) pulcherrimus est. Nec tātum Cœrulei uidetur particeps, sed ipsius quoq; mundi gradus, introrsum uersus, attenuatos ostendit, ut hoc olim de eo lusimus:

Quis neget è cœlo missum? formamq; coloremq;

Atq; gradus Cœli, Nectaris atq; refert.

Est enim sapore suauissimo. Sine ulla dubitatione, quod nos Cœruleum, Græci dicunt Cyaneū, in quorum etiam commentarijs Lazurion inuenio. Ascribitur huic generi, qui Venetus olim, nunc uulgo Blauus nuncupatur, color ex factione Circensi ualde nobilitatus. Fuerunt autem colores in Circo, præter hunc Venetum, Roseus, Albus & Præstinus: quibus Auratus postea, purpureus & luteus additi sunt. De ijs loco dicemus.

### CAESIUS CAP. II.

**C**æsius uero si dictus esset, ut doctissimi uiri monumentis olim tradiderūt, quasi Cælius à Cœlo, eadem foret in Cœlo & Cæsiophithōgus. Constat autē esse in ijs uocibus diuer-

Cœrulei  
coloris ali  
a species.

Cucumis  
mūdi ty  
pū refert

**Cerulei**  
coloris à  
cæſio diſſe-  
rentia.

**Cæſius.**

**Catilina**  
oculis Cæ-  
ſis.

**Facies cæ-**  
**ſia.**

ſam, nihil præterea differret à Cœruleo, quando id ut oſtēdimus, à cœlo deductum eſt: differt autem ſine dubio, uel ex ipſius M. Tullij autoritate, cuius hæc ſunt uerba in primo de Natura deorū libro, Cæſios oculos Mineræ, cœruleos eſſe Nep- tuni. Ad hæc, non, quemadmodum legimus Cœ- lum, Mare, Veſtem, Florem cœruleum, ita legi- mus Cœlum, Mare, Veſtem, Florem cæſium: ſed oculos tantum cæſios, ueteres dixerunt, quibus ineſt fulgor quidam uiſu horrendus. Vnde exiſti- mo, ſicut Cæſar, & Cæſo dicuntur à cædendo, ita Cæſium à cæde nominatum eſſe, ut qui cæſius ſit, cædem quodammodo oculis minari uideatur: qualis prælio gaudens & cæde dicitur fuiſſe Mi- nerua, ex quo illa ab antiquis nocata fuit, ut ego arbitror, Cæſia. Significat hoc M. Cicero, ubi de Catilina ait: Noſtat & designat oculis ad cæ- dem unumquemq; noſtrum. Hic, qui oculis ad cæ- dē ſenatores designabat, Cæſius erat. Cuius etiā oculos Salluſtius inſignis hiftoricus fuiſſe tradi- dit fœdos, id eſt cæſios. Cuiusmodi memorię pro- ditū eſt Neronis quoq; oculos fuiſſe, quod ipſum non leue fuit argumentum tyrannicæ crudelita- tis. Quin à Terentio Cæſij hominis facies dicitur cadaueroſa, hoc eſt immanis, & ſæuitiam arguēs, qualem Sicarij præ ſe ferunt & carnifices: quam- uis alij parum crudite cadaueroſam pro ſubliui- da expoſuerint. Enimuero leonis oculos ſi quis inſpexit, qualis ſit hic color, intelligit. Micant il- li, ut ſtudioſe ipſi prope conſiderauimus, uelut ignis penitus ſlagrans. Dicitur color hic Græ- ce ab

## DE COLORIBVS LIB.

§

cē ab omnibus Glaucus, quod uerbum longo iam usu Latini poētæ suum fecerunt. Latius tamen patet Glaucus: nam præter oculos Noctuiuos, quos, ut auis ipsius Græcū nomen declarat, omnes Glaucos esse confirmant, multa quoq; dicuntur Glauca, ut Vlva palustris herba, ut Salix, cuius cū frondes, tum multo magis cortex in ramis, præsertim anniculis, nitet hoc colore. Quem laudat Virgilius in equis, eosq; noto carmine Glaucos appellat, communi Italorum lingua Baios nominatos. Nam Spadices honesti ab eodem Poëta ibidem uocati, illustriores sunt aliquāto, Baij & ipsi, sed clari, uulgo nuncupati: atq; ij duo aliorum omnium maxime probantur colores in eqs. Vlva igitur & salix, quas idē Vergilius glaucas dixit, equi item species optima, Castaneæ, etiam nucis tunica, aliaq; multa, præter leonis ac noctuæ oculos, colorem Glaucum ostēdunt. Sed ut unde discessi, redeam, quando Cæsius color tantum est oculorum, uidendum est, ne is sit potius quem Aristoteles Charopon uocat. Sic enim ab illo dicitur leo ab oculorum sæuitia, quem Catullus poëta doctissimus Cæsiū appellat. Vnde Hercules cognomēto dictus fuit Charops, quasi iracunde intuens. Nam Chara græce ira quoq; dicitur latine, & ex eodē (ut puto) horrore Charymbdis nominata est, & Charon, de quo cum inquit Vergilius.

Glaucus color.

In equis quis color probetur.

Charopos color.

Hercules Charops.

Stant circum lumina flamma.

Cæsiū uoluit senē illū horribilē, ac diu significare Quāuis nō nesciā, Charapon ab alijs aliter quoq; exponi.

A §

ATRE

ANTONII THYLESII LIB.  
ATER CAP. III.

**H**orribilis etiam color est ater dictus, omni  
no uelut Anthrax, id est carbo: nam pro-  
prie est carbonis extincti. Quarescitè ut  
omnia, Terentius tam excoctam, inquit, reddam  
atq; atram, quàm est carbo. Et inde à Vergilio ci-  
nis dictus est ater & fauilla atra. Sanguis prate-  
rea caloris atq; coloris ignei particeps, effusus  
ac frigefactus amisso rubore, tanq̃ in carbonem  
mutatus, ater ab omnibus uocat̃. Dicitur & mors  
atra, q̃a cadauer extincto calore illo uitali, quo  
corpus alitur, atrū relinquitur, ut est carbo, quæ  
mihi perquam elegans uidetur similitudo. Quid  
quod dies atrī eadem de causa dicti fuerunt? Qui  
enim luctum afferebant, carbonibus, ut contrā  
dies læti scrupis signabantur gypseis, ex quo Ho-  
ratiū ait:

**Mors atra**  
**Atri dies**  
**Ater à ni-  
gro quo  
distinguitur**

Cretra, an Carbone notandi.  
Differt in hoc à colore nigro: quod ut om̃is ater  
est niger, sic non omnis niger est ater: horren-  
dus est hic, tristis, uisui iniucundus, lugentibus ac  
commodatus, ille contrā nonnunquam lepidus  
ac uenustus, ut humani oculi sunt cōplures, quos  
nemo Atros diceret, sed nigros, hisq; ramen nihil  
maiori cum uoluptate spectamus.

**Liuidus  
Fuscus**

Vocabatur autem Ater ab antiquis etiam An-  
thracinus, idemq; Furuus. Quibus longe minus  
sunt nigri, Liuidus & Fuscus. Alter ex graui cor-  
poris ictu proueniens deformitatem habet. Vn-  
de inuidi aliorum bonis, uelut uerberib' laniati,  
& idcirco exangues, Liuidi nuncupantur. Alter  
non



## DE COLORIBVS LIB.

7

non insuauis, & in homine persæpe laudatur.

Qui tamen si modum excedit, ac maxime Fuscus est, & quasi nigrescit, Pressus dicitur: ut quæ aliquandiu sub prælo uestis pressa, nimium coloratur. Legimus etiam equi colorem Pressum. Secus uero fasciolæ Coloriscæ dictæ fuerunt, quæ non saturatæ, sed uix colore aliquo illitæ è coronis dependebant. Est autem forma diminutiua, ut Lycisca, Syrica. Aquilum ueteres hunc Fuscum à colore aquæ uocarunt, qui inter nigrum est & album, id quod Plato etiam docet.

Pressus

Aquilus  
color

### ALBUS CAP. IIII.

**E**ST autem albus color purissimus, quocirca ad animum translatus pro sincero capitur: is nullibi quàm in niue, clarius est, quàm tamen Atram esse Anaxagoras affirmabat. Sumitur pro Pallido, unde timor Albus legitur, & metu exalbuit. Quam ob rem Romanæ mulieres quondam funera sequebantur in ueste alba, tanquàm mortui quæ efferebāt, colorē referret.

Anaxago-  
ras niuem  
atrā dixit

Elucet Candidus, atq; oculos delectat. At Candens non hoc tantum est, sed pro ignito accipitur. Itaq; Veneris humeros recte dixeris Cādidus, uel Candentes. Ferrum quod à Marito tunditur, non candidum est, sed candens. Eiusdem generis est Canus, qui & si ad alia transferatur, proprie tamen est capilli, & barbæ senilis. Nascitur equus nōnunquam canus atq; albineus, non idem qui & candidus aut albus, sed huius nō expers.

Candidus  
Candens

Canus

A 4 Est

Est & color albi nigriq; particeps, à Græcis inde Leucophæos, uoce iam à nostris usurpata, uocatus. Genus est id coloris natiui, non enim inficitur, sed ouis ipsa sic natura quasi pingitur. Hunc Sibi Secta Sacerdotum Sumpsit Sanctissima, qui nulla tunica linea penitus induti, pro cingulo reſte se uinciunt nodosa, ac ligneis tantum calciamentis uſi, precario uictum quæritant.

PVLLVS CAP. V.

**Q** Valis uero fit pullus, ostēdit terræ ipsius color: maior enim illius pars pulla est. Itaq; quoniam ea mortuis iniicitur, uoluerunt ueteres, ut qui lugerent, Pullis pallis, terræ similibus, essent amicti. Dorsum etiam leporinum proprie est Pullum: quam ob rem naturæ ipsius doctus magisterio, terram recētem ab ara tro metu pauidus quærit ille, ibiq; nonnunquam stratus, nullaq; re abditus, uenatores, canesq; ipsos prætereuntes, ac sagaciter propè omnia perquirentes, coloris tantum beneficio sæpissime latet: & ut in quodam epigrammate de lepore diximus.

Quem fuga non rapit ore canum, non occulit umbra.  
Concolor immotum sub Ioue terra tegit.

**Natiuus.** Nulla arte aut impensa color hic paratur. Natura enim sic prouenit, unde Natiuus quoq; uocatus est, diuersus ab eo de quo locuti sumus. Iamq; nos Cosentini, apud quos multa antiquitatis ueſtigia apparent, siquidē & Præficæ, ut quondam, mortuos laudant, & Silicernium in usu est, ac nemo sine suorum osculo sepelitur, utriusq; sexus uestimen

Pullum lepori  
dorsum.

## DE COLORIBVS LIB.

uestimentum funebre, Natiuum dicimus, quàmuis atrum sit illud, & in mulieribus matrimonio in nectis Cyaneum, quo Græcè, ut dictum est, olim in funere utebantur. Idem quoq; Hispanus uocatus est, & Baticus, etiam Mutinensis. In ijs enim locis id genus lanæ uidetur. Est aut pullus nomen ut reor, diminutiuum à puro, uelut à Rara uestimenti genere sit Ralla, ab opera opella, à terra etiam tellus: ut lana Pulla sit pura, nullo alio colore infecta, sed suo tantum & ingenuo cõtenta. Colorias huiusmodi uestes per se coloratas aliqui dixerunt. Posuit hanc uocem Augustus in suo testamento, ubi hæc uerba legebantur: Gausapes Lodices purpureas et Colorias meas. Atq; indidem, ut sentio, dicti sunt pulli equorum, aliarumq; pecudum, quasi pura, nulla adhuc libidine aut labore uiolati. Sunt huic pullo simillimi color Impluiatus, dictus uelut fumato stillicidio implutus: & Suasus, qui insuasus quoq; uocatus, lutum refert. Est autem Suasus è stillicidio etiam factus fumoso, in uestimẽto albo. Quare haud dubitanter non alius est quàm Impluiatus: quàmuis aliqui tradiderint colorem omnem, qui fiat inficiendo, suasum dici, quod illi quodam modo sit persuasum, in alium quemuis colorem ex albo transire.

Impluiatus,

Suasus.

## FERRUGINEVS CAP. VI.

**F**errum longo situ rubiginosum, facile ostendit colorem ab ipso appellatum Ferrugineum agit enim is, id est refert colorem ferri. Quin & filamenta, quibus sæpe Conopæum, & multæ

B

præterea

## ANTONII THLLESII

Ferrugi-  
nei  
Hyacinthi

præterea uestes lineæ circumsuuntur, Ferruginem dicunt infectores. Tunica etiam nuclei pinci lanugine quadam puluerulenta, ferruginea est. Erat is quoque lugentium color. Itaque capitur nonnunquam & ipse pro funesto, atque ea de causa Hyacinthi dicti fuerunt à Vergilio Ferruginei, quasi lugubres, quia puerum ut est in fabulis, casu interfectum Apollo diu luxit, atque in eius foliis uelut epitaphium, in sui doloris perpetuum monumentum inscripsit, non quia uere floris color sit ferrugineus: est enim is, in quem mutatum ferunt adulescentulum, purpureus. De Hyacintho in literatum flosculum transformato fecimus hoc:

Nil opus elogio redimire, aut flore sepulchrum.  
Ipse sibi flos est, elogiumque puer.

Cœlū fer-  
rugineum

Eodem modo cœlum uocatur Ferrugineum, hoc est nubilum & triste, atque apud eundem Vergilium: Sol caput suum nitidum in morte Cæsaris texit ferrugine, quasi colorem se induit lugenti aptum ut tanti uiri cædem Sol ipse lamentari uideretur. Nec alia ratione Charontis nauiculā dixit ferrugineā, quoniam ea una, loco Sandapilæ, mortuos omnes uestipillo indefessus transuectat.

## RVFVS CAP. VII.

Non



# DE COLORIBVS LIB.

11

**N**ON eundem esse RVFVM, atque RVBRVM, ex hoc intelligi potest, quod recte dicitur sanguis ruber, Rufus non recte. Rursus barbam, & capillum Aenobarbi RVBRVM ueteres non dixerunt, sed modo RVFVM, Rutilum modo, qui idem est. Quin & canes immolabant Romani sacerdotes, nunquam Rubras uocatas, sed quas nunc Rufas, nunc Rutilas appellabant, ad placandum Caniculæ sidus, frugibus inimicum. Ex quo manifestum est RVFVM, Rutilum'que eundem esse, id quod ex antiquis etiam aliqui docent. E canis igitur colore satis noto, atque è multorum barba, & capillo, cuiusmodi sit color RVFVS apparet. Hunc rustici in armentis Robum, Giluum'que olim dixerunt, atque etiam HELVVM: ut uini genus est quoddam inter Rufum, Album'q, nulli non cognitum: quod quoniam Cerasi colorem refert duracini, Cerasolum aliqui dicunt Italiæ populi. Sed & Burrham iisdem appellabant uitulam, quæ rostro esset RVFO. At homo BVRRHVS est, qui pransus, cibo, & portione rubet, hunc aliqui etiam RVbidum uocant. Inuenitur & RVBEVS, & si aliqui non indocti uocem non esse latinam monuerint. Cum tamen apud autores non malos ex uuis nigris fieri uinum forte legitur, è Rubeis autem suaue. Nec non bos

Burrhus

B : Rubeus

Rubeus probetur. Verbum est omnino rusticum nec prorsus idem color est, qui & Ruber, sed ad eum proxime accedit. Quid quod Russeus etiam legitur: negat quidam e uetustis grammaticis dici posse, Russum iubet, ex quo pannus est Russatus. Vtrunq; certe latinum est, sed Aratoris magis, quam Oratoris: habet enim & sua uerba, qui ruri uiuunt urbanis nonnullis inaudita. Russecū equum dicunt illi, qui non planē Russus est, sed aliquanto minus ruboris habens idem fere uideatur. Hic autem, quoniam quasi cruentato similis est, hodie saginatus, quasi sanguinatus uulgo nominatur, quamuis huius nominis nonnunquam equi albescant.

## RUBER CAP. VIII.

Coccus.

**R**ubrum maxime indicat animantium sanguis, & quo lana inficitur, Coccus, granū id à nostris uocatur, unde uestis est Coccina, nulli ignota. Ostentat tamē hunc colorē præ cæteris rebus liquor purpuræ, cuius adeo gratus est color, ut si quid paululum habeat ruboris, modo uisu sit illud non iniucundum, Purpureum sæpe dicatur, ut sunt uiolæ, & uaria florum genera: quin & candidus, is enim quoq; oculos remoratur, à poetis uocatur nonnunquam Purpureus. Nam & olores Purpureos dixit Horatius, & nimen ipsam purpuream Albinouanus. Inuenitur & Blatteus positus pro Purpureo. Nō prettereundus est color Viteis frōdibus arefactis similimus, & idcirco Xerampelinus Græce dictus. Usurpant hanc uocem Latini, certum enim Vitis  
geus

Purpureus.

genus adulto iam autumnno pampinis rubet uelut cruentatis, unde nomen colori inditum est. Rosa ab omnibus nunc dicitur sicca. Atrabapticas uestes eo colore infectas, quoniam in eo Purpura nigresceret, aliqui appellauerunt. De ea re fabellam excogitatam his uersiculis fui complexus:

Cæderet immeritæ Vitis dum crura, cecidit

Ipse sua, & dira cæde Lycurgus obit.

Vnde prius uiridis, rubet hostis sparsa cruore

Illæso Vitis stipite, & ultra nefas.

## ROSEVS CAP. IX.

**I**ucundissimus omnium est color Roseus, atque humano corpori, si id formosum est quam similibus. Itaque os, ceruicem, papillas, digitos roseos poetæ dicunt, id est candidos, rubore sanguinis penitus diffuso cum uenustate, isque color proprie est quem communis sermo Incarnatum uocat. Refert enim maxime omnium pueri nitorem, ac uirginis rosa, non Milefiam intelligo: quæ nimis purpurea ardere quodammodo uidetur, nec rursus albam: sed quæ utrinque decorem accepit, & quia corpus hominis imitat, quod lingua uernacula carnem appellat, eadem id genus Rosarum Incarnatum nominauit. Cicero colorem hunc Suauem dixit.

Incarnat<sup>9</sup>

## PVNICEVS CAP. X.

**A** Phœnicibus color Phœniceus, Puniceus quoque dictus flagrat, uelut Viola Flammæa, atque ita à multis olim Purpura uocata fuit uiolacea, hodie penè nomen seruat: nam Pao-

B ; nacijs,

nacius, quasi Puniceus dicitur, & si aliqui uocem hanc uernaculam à Pauonis colore factam uolunt.

Phœnice  
color in  
equo

Phœniceum uero alium ab hoc, Palma quæ Phœnix Græce est, à se nominauit. Color hic in equo, ut iam diximus, maxime laudatur, qui modo Spadiceus, Baius modo, Badius etiam & Badius, uarijs nominibus uocatus est. Termites enim palmarum cum fructum Spadices, & Baia Græci dicunt: unde equus ab equisonibus appellatur Baius

### FVLVVS CAP. XI.

**E**X omnibus maxime lucet fuluus, quem multa iactant, Orichalcum in primis, Aurum, ipseque etiam stellæ.

Quas non extinguunt uenti, non nymbus aquosa  
Nube cadens, celsa semper sed luce corusca. it.

Quare Tibullus proprie sydera Fulua appellauit. Est & aureolæ species arenæ quam Fuluam dixit Vergilius, & genus quoddam aquilæ ab Aristotele maxime celebratum, colore etiam Fuluo. Qui si obtusus quodam modo est, atque obscuratus, uocatur Rauus. Iamque sic Horatius lupam appellauit, cuius colorem noto magis uerbo plerique omnes Fuluum dixerunt. Tradunt aliqui Rauos oculos quos in cane & ariete laudat M. Varro inter cæcios esse & flauos. Ornat sæpe color hic Flauus uirginū



uirginum, ac puerorum capita, atque in maturis frugibus semper elucet, nec non pro pulchro frequenter positum uidemus. At Luteum nihil æque ostentat, ac flos Calthæ & Genistæ, cuiusque etiam uitellus. Croceo est hic perquam similis sed lucidior aliquanto, ab antiquis Flammeus quoque dictus, quoniam eo Flaminis uxor Flaminica utebatur. Potest hoc loco Pallidus poni, ac Luridus, mortui color est hic horribilis, ipsiusque mortis, ut poëta dicunt, & Plutonis. Ille nonnunquam uel gratus in homine, atque amabilis.

## VIRIDIS CAP. XII.

**C**uiusmodi sit color Viridis, suppeditat exemplum herbarum multitudo, quarum tanta est uarietas ut cum earum uis sit infinita, nulla tamen æque, atque ex ijs aliqua, prorsus uiREAT, sed omnes inter se discolores uideantur, id quod in reliquis omnibus coloribus apparet. Quare si minus est hic albus, aut niger, quàm ille, non idcirco nomen albi amittit, aut nigri. Ex auiibus autem insignis est hoc colore Psittacus, auis inde à quibusdam Viridis appellata, & qua nihil lætius est, Smaragdus. Maxime quoque lucet uiriditas in genere quodam Scarabei, cuius ipse meminit Aristoteles. Is quoniam dorsum habet nota quadam aureola sic lutum

Scarabeorum genus  
extreme  
uiride.

B 4 atq;

atque illustratum, ut Lunæ speciem exiguæ sustinere uideatur, non inuenuste à nobis Cosentinis equus Lunæ nuncupatur, fecimus hoc iampridē de Scarabeis iocosum epigramma.

Paruula Sisyphio gens condemnata labori,

Quas figula ipsa facit, fertq; refertq; pilas.

Pars nigra, aut Aethiopū manus usta calorib<sup>9</sup> horret.

Regia pars uiridi picta colore nitet.

Parua micat cuius dorso nota, magna minutis

Si conferre licet, Luna pusilla uelut,

Dixit Equū Lunæ hinc cognomine Brutia Tellus.

Quod si bellator sic nituisset Equus,

Illo capta foret non una Semiramis, essent

Centauri & plures, quam genus est Hominum.

Egregius est inter colores, qui uirent,

Præstinus, multorum carminib<sup>9</sup> collaudatus, nūc uiride porrum ab Insectoribus uocatur.

#### EPILOGVS CAP. XIII.

Color  
uarius

**L**ibet epilogum addere, uarietatem proprie de coloribus dici, ex quo uestis uaria, discolor est, diuersisq; coloribus consuta. Diuisam nunc omnes uocant, & equus uarius non totus uel candidus uel niger, sed his, alijs'ue coloribus distinctus: sic & cælum uarium, cuius partes serenæ interlucēt, partes nubilæ tristantur. Atq; alium sæpe pro alio, si inter eos affinitas est, colorem usurpant poëtæ, ut lumē Mineruæ Flauū dixit Vergilius pro Glaucō, quo uenustatē quoque esse in oculis Dææ ostenderet, quemadmodū amictum Tyberis, cuius aquam alibi Flauam appellauit. Glaucum idem esse cecinit: est enim inter hos colores similitudo & quasi uicinitas. Sic

ut

ut iam dictum est, Albus pro Pallido, ac Cœruleus pro subuiridi poëtice ponit, proq; etiã subnigro, multiq; præterea inuicem cedunt. Ex omnibus uero maxime contrarij sunt Albus, & Niger: quare nihil æque apparet, atq; in alba papyro atramentum. Vtebantur ueteres, quod nunc etiã seruatur, cum librorum titulos notarent, colore puniceo in honorem memoriãque Phœnicum, quos literarum tradunt fuisse inuentores.

Sunt etiam e coloribus aliqui incerti, qui intuitum oculos fallūt, ut est cœli nitor, quod cum tenebrosum quidam autumēt, illustratum radijs solaribus cyaneum uidetur, ut Iris, ut quas suspicimus nubes nonnūquã ignescere, ut mare ipsum quod præter cœruleum, modo Atrum horret, modo uirescit, interdum etiam Flauum, Rauumq; se ostendit, aut specie quadã purpurascit uiolacea.

Incerti  
colores

Non idem quoq; decor in collo cernitur Colubæ & Pauonis, unde aues sæpe dicunt uersicolores, quale est serici genus satis notum, quod e diuersis partibus spectanti non eundem offert coloris leporem. Discolor autem non modo pro uario sumitur, sed si quid eundem colorem uelut radios quosdam diffundit, ut

Discolor

Discolor unde auri per ramos aura refulsit.

At decolor is dicitur, ex cuius ore color defluxit, & exanguis relictus est, atq; iccirco pro deformi capitur & nigro, ut Decolor Indus: nam Concolorem eiusdem esse coloris nemo ignorat. Ad hæc colores bifariam diuidūtur, nam Austeri uocabantur reliqui omnes, præter Minium, Purpurissum

Decolor

C rissum

## ANTONII THYLESII

rissum, Cinnabarim, Armenium, Chrysocollam, Indicum, quos floridos dixerunt. Sed hæc Pictores uideant, quibus olim in usu tantum erat Melinus color, Cædus. Silaceus quoque inter Cæruleos nominatur, Sinopsis genus rubricæ, & atramentum. Quidam etiam Suaues dicti sunt, ut Flauus, purpureus, candidus, in primis Roseus, humanis autem oculis nihil uenusti hominis colore suauius uidetur. Inesse uero coloribus suauitatem, præterquam quod sensus ipsi iudicant, egregij Latinitates autores ostendunt, M. Cicero, & Vergilius Maro, quorum alter suauem hominis colorem dixit, ab altero

Suaue rubens Hyacinthus uocatus est. Alij tristes sunt & lugubres, uelut atrum esse diximus, Pullum Ferrugineum & Cærulei speciem. Quin ut uidentur, sic sordidi etiam aliqui dicti sunt, ut de quibus locuti sumus. Suasus & Impluiatus, ijs enim rei ut misericordiam apud iudices captarent, se deturpabant. Talem quoque fuisse uestitum Charontis ostendit, cum inquit Vergilius:

Sordidus ex humeris nodo pendeat amictus  
Iam uero colores partim nominati sunt à locis, ut Puniceus, Tyrius, idemque Sarranus. Purpurei sunt hi, Indicum, Sinopsis, Melinus, Hispanus, Bæticus, Mutinensis, de quibus dictum est. Colossinus à Colosso urbe in Troada, ubi lana inficitur florem referens Cyclamini, quod tum Rapum, tum terræ malum, tum Tuber uocatur, à nobis Cosentinis Terrigena, fulget flos ille inter cando-



rem & purpurā. Partim à metallis nuncupati sunt, ut Plumbeus, Ferrugineus, Argenteus, Aureus. Sed à plantis nomen acceperūt complures, ut præter Phœniceum, id est Palmeum, ac Xerampelinum. Buxeus est qui pro pallido sumitur, pallet enim præ cæteris Buxea materia. Roseus præterea Hyacinthinus, in quo purpura lucescit subnigra. Hyfginus ab Hyfge herba Coccinus, & utriq; similis Sandycinus. Violaceus qui & Ianthinus, ex quo Tyrianthinus, è purpura ut nomen indicat, factus, & Viola. Addit his Croceus Vñ Crocotula uestis gen<sup>o</sup>, ut à Caltha Calthula à Byssò lini gñe tenuissimo Byssina: erantq; hæ omnes Lutæ, sed Byssina penè, ut aurum fulgebant. Fuit in usu uestis à Citri similitudine, Citrosa dicta. Et quædã coloris candidi, Papaucrata à Lucilio Satyrico, cum eam, ut probrum, Torquato obiecisset, nominata. Inuenitur quoq; Galbina uestis alba à Galbano. A Maluæ item flosculo color est Molochinus, ut à Punicæ etiã flore Balaustinus. Virentis quoq; porri folia nomen ex se ut iam diximus, fecerunt Prasimum. Multi præterea ab animalibus uocati sunt, ut Ceruinus, murinus. Atq; hi colores sunt in equo notissimi. Mustellinus, de quo Terentius. Ictericus, qui Regio morbo laborat, à colore Galguli, quam Græci æuem Icteron dicunt. Luteus est hic admodum. Cygneus, idèq; latine Olorinus, id est Cãdidus, ut cõtrà Coracin<sup>o</sup>, niger. Ascribunt & his Ostrin<sup>o</sup>, Cõchyliatus, Muriceus, Purpureus, ab Hercule

A metal-  
lis & plan-  
tis

Ab animã  
libus

C 2 ut

ut fabulantur, primum inuentus. Feci paucos de  
 ea re Choriambos, quos uisum est hic ponere.  
 Errat dum bibulis Hercules littoribus canis,  
 Nantem forte uidet spumifero gurgite Purpuram.  
 Aggressusq; ferox corripuit uiscera mordicus.  
 Mox pastus redijt cominaculans gramina sanguine.  
 Quē Tyro simul ac pulchra uidet, nāq; erat hęc comes.  
 Prolutum roseis candida sic ora coloribus,  
 Alcidem alloquitur. Non alio munere te sequar,  
 Quam si picta mihi Palla rubens huic similis datur.  
 Quod nunc per spoliū terrificę te rogo Bellę,  
 Inuictęq; manus robora per tela sonantia,  
 Non ignota auibus nubila translata fugacibus,  
 Da ferre hęc (poteris nā omnia) nec te tenuit Marię  
 Circumfusa palus, Hesperidum quo minus aurea  
 Ferres munera. Sic brachiolis fata reuinciens  
 Robusta implicuit nympha procax colla tenaciter.  
 Paret uictus amans blandicijs Amphitryonius.  
 Nactusq; exanimem, quā expuerat iam mare, purpurā  
 Infecit Tyrio prius ouem Murice candidam.

A rebus deniq; diuersis nonnulli colores dicti  
 sunt, ut Igneus, Flammeus. Sic orbis, nitorq; So-  
 lis ab Attio & Catullo appellatus est. Quare co-  
 lor Solis, & quia ita apparet, & ex illorum auto-  
 ritate Flammeus proprie potest uocari. A cęlo,  
 ut iam principio dixi, Cęruleus est. Marinus, &  
 Thalassinus à Mari: ab unda Cymatilis & Cyma-  
 tius: idemq; est in ijs omnibus color. Quinetiam  
 ab arcu pluuiarum nuncio, Arquatus est nomi-  
 natus. Hyalinus, qui & Vitreus, Niueus, Marmo-  
 reus, Lacteus, Eburneus, quo dictus fuit cogno-  
 mento propter candorem corporis Fabius qui-  
 dam. Amethystinus præterea, ex quo Tyriame-  
 thytus

thyſtus in uſu fuit olim. Sădaracinus, Flammeus eſt is, quibus etiam Impluiatus, ſanguineus, atque Herbidus adduntur. Cercus item, Piceus, Cinereus, ut cardui genus eſculenti à colore, Cinaru uocatum. In hoc autem Carduo eſſe etiam aliquod ipſius uirtutis ſimulacrũ, pauci quos hic ſubieci declarant uerſiculi.

Vt uallatus acutis  
Circum frondibus horret,  
Intus ſed tamen abdit  
Dulcem Carduus eſcam,  
Cœlo miſſa ſereno.  
Sic uirtus puer aſpris  
Ambit ſentibus ipſam  
Iucundam Ambroſiam Dîs.

A ſpumis quoq; & maculis, ſpumeus eſt & maculoſus: atq; in equorum ſunt etiam colores, ut à guttis guttatus, cuiuſmodi prærer equos, canes uidentur nonnulliſagaces, quos à muſcarum ſimilitudine Muſcatos dicũt, uelut equus ſcutulatus à ſcutulis: quem ab exiguorũ pomorum ſpecie Pomulatum uocant equiſones, & ſi orbes ſunt latiuſculi, Rotatum. Videtur ad extremum natura amare Cœruleum: eo eñ ut initio diximus, mare colluſtrauit, ac cœlum ipſum quod nunquã ſtellis fulgentibus ornaret niſi eadem quoq; Fuluo maxime delectaretur. Sed quia uiciſſim uidemus terram, aut uiriditate conueſtiri, aut eo ornatu ſpoliatam, Pullam eſſe, aut etiam cãdere niueo contegi, uiridem, pullum, atq; album uaturę gratum eſſe nemo poteſt dubitare. Nigra inſup

## ANTONII THYLESII

est nox, nigri sunt Indi, atq; Aethyopes. Gaudet igitur rerum mater colore nigro, quam à rubro nihil abhorrere, hominum, ac cæterarum animarum sanguis facile declarat.

## ANTONII THYLESII CO

sentini de coloribus libri finis.

## A R A N E O L A.

**H**Æret Araneolæ laxis dum cassibus errans  
Musca levis, conata fugam sese magis ultro  
Implicat, & quatiens alas stridore coruscatur.  
Effugium dum quæ scrutatur, labitur ecce  
Illico Araneola, opperiens si præda feriret  
Reticulum, tenui quod stimine neuerat ipsa  
Sub Salice, & trepidam sauo rapit improba morsu.  
Illa iterum fremitu resonans, pedibusq; repugnans  
Concurritur, sed nulla datur fuga, forcipe namq;  
Pressit atrox, urgetq; tenax, perq; omnia uersat.  
Actandem magno luctamine uicta pusillam  
Expirans animam moritur miserabilis ales.

Callida sed quàm sit cæcas componere fraudes,  
Omnibus inq; locis innectere tenuia fila,  
Est operæpretium cognoscere, Rixa puellæ  
Mæoniæ uulgata diu est, quis Palladis ira,  
Seu liuore magis mutatam nescit, amaret  
Infelix dum se Cœlestibus æquipararet.

Siue in amore soror fratris deprensa Phalægis  
Cassia Dææ furtim templa incestauit Arachne.  
Appula nunc etiam puer unde per oppida passim  
Multipedem repit faciem contractus in atram.  
Iamq; uetus retinent metuenda Phalangia nomen.

Quis tamen ipsa nouum dedit urbs quoq; prius Tarētī.

Principio, ignaros rerum ne occulca morentur,  
Quicquid id est, per quod delabitur, aut spuit ore,



Aut denso exterius ceu glomere fila reuoluit.

Quod sinu ac lucem suspexit Araneus ipsum

Emittit, uictumq; sibi molitur, & usq;

Nectit fila leui delectus corpora sauit.

Itq;, reditq; citus, sursum modo repit, & altum

Iam tenet: hinc rursus suspensus decidit, & iam

Mille uijs æquo discrimine texuit orbem.

Tum malus insidias sub opacis frondibus abdit,

Ne si forte oculis uolucrum leue cerneret agmen

Exitium, aufugeret tremefactum corda pauore.

Sic positis tandem laqueis, procul occuluit se.

Prospectatq;, plagis siquid nouis incidit auceps.

Ecce feri Culices, Muscæq;, atq; id genus omne

Alituum, uelât imprudens, & retibus ultro

Intertur, laxatq; sinus, atq; omnia miscet.

E spicula intentus raptim sese iacit alta

Explorator, & implicitas has mordicus, atq; has

Diripit, ac circum lictor ligat, atq; ita aceruat

Omnia uenatu assiduo, uictumq; reponit.

Sed ne forte leues uolucres, infirmaq; tantum

Hunc captare putes, tristem sub tegmina Asilum

Densa tenent, seuitq; furens detentus, at illum

Ingluue accurrens Venator conficit atra.

Quid referam Fucos, & quicquid utrus amara

Gestrat acurquoties captū fremit, ac uelut ipsos

Damnatos factæ suspendit Aranea cædis.

Spectaturq; diu passim, spolia ampla, cadauer.

Voce minans quâuis immane superbiat armis.

Quod que uenenatis fert telis, uulnus inurat.

Quin tantis etiam stimulis furit iclus edendi,

Inuolet apricos ut in ipsos saepe lacertos.

Frenet & incassum torquentes terga, nec ullis

Saltribus excussus, cæcis premat undiq; uindlis.

Nec mora fit, raptet quin subterraneus illos,

Cacus ut auersos retrahebat in antra iuuenos.

EIVSDEM

ANTONII THYLESII  
EIVSDEM CINCINDELA.

**T**Antula nocte uolans uolucris micat aëre tantū,  
Ardenti similis scintillæ quam puer olim  
Acquales inter metuebam tangere, ne me  
Vreret, infirma est ætas cum nescia rerum.

Quæ quoniam noctu lucet cognomeu adepta est.  
Aut incensa nitet quoniam, uelut ignea lamboas,  
Cauda sit una licet, nomen non est tamen unam.

Hæc modo summa petens commotis emicat alis.  
Rursus & adductis fuluum decus aurea condit,  
Ardentiq; procul fugiens leuis igne coruscat.  
Et quocunq; uolat, secum sua lumina gestat,  
Lumina, quæ tenebras arcent, quæ flamina temnunt,  
Nunc, uelut obsequiosa uidentibus, aduolat, atq;  
Fit magis, atq; propinqua magis scintillat & ante  
Ora, minuta uelut candentis frustula ferri,  
Verberc quæ assiduo fornacibus excutiuntur.

Ex quo rapta Ioui Stygio Proserpina, nanq;  
Vna fuit comitum, ueterem mutata figuram,  
Quærit adhuc dominæ uestigia, & omnia lustrat.

Omniparens Natura, hominū, rerumq; creatrix,  
Difficilis, Facilis, Similis tibi, Dissimilisq;  
Nulligena, Indefessa Ferax, te pulchrior ipsa.  
Solaq; quæ tecum certas, te & uicta reuincis.  
Omnia me nimis afficiunt, quo lumina cunq;  
Verto libens, nīhil est non mirum, Dædala quod tu  
Effingis, rebusq; animam simul omnibus afflas,  
Vnde uigent, quæcunq; uidentur pabula, frondes,  
Et genus aligerum, pecudesq;, & squamea turba.

# EX TIMAE

29

O PLATONIS DE COLO-  
ribus Marsilio Ficino inter-  
prete.



Vod uisum disgregat album appella-  
tur. nigrū uero quod congregat, mo-  
tionem profecto acutiore, alteriusq;  
generis ignis incidentem, dispergen-  
temq; uisum usque ad oculos, orbesq;  
ipios oculorum, meatusq; ui deuerberantem, li-  
quefacientēq; ignē esse dicimus ex opposito ob-  
uiantem cuius occurſu lachryma, corpus ex igni  
& aqua mixtum effunditur, & uno quidem igne  
uelut ē coruscatione quadam exiliente, altero ue-  
ro penetrāte, & ab humore extincto uarij crean-  
tur ex huiusmodi mixtione colores, atque ipsam  
passionem fulgorem, coruscationemq; uocamus  
quodq; id facit splendidum atq; coruscum. Horū  
medium ignis genus ad oculorum humorē per-  
ueniens, illiq; se miscēs, minime quidem coruscū,  
sed ex ipsa ignei radij ad humorē mixtione san-  
guineum creāte colorē rubrum nominam<sup>9</sup>: splen-  
didum albumq; rubro mixtum flauum procreat.  
Quo autem mensuræ modo singula singulis mi-  
sceantur, etiamsi quis nouerit narrare prudentis  
non est, præsertim, cum neq; necessarium, neque  
uerisimilem de his rationem asserre possit. Ru-  
beum cū albo nigroq; purpureum generat. Pau-  
lo obscurior, moreus, luteolusq; fit color, fuluum  
flauū, fuscūq; tēperatione producitur. Fulcum ue-

Albus

Fulgor  
Corusca-  
tioRubeus  
colorPurpure<sup>9</sup>  
Moreus  
Luteolus  
Fuluus

D ro

ro albi, & nigri confusione pallorem albi flauisq;  
copula generat. Splēdidum albo adiunctum ob-  
fufumq; nigredine cœruleum efficit. Cœruleum  
cum albo glaucum creat. Fului nigriq; temperie  
color uiridis nascitur

# EX NOCTI

BVS ATTICIS A. GELLII LI.

secundo cap. xxvi. de generibus uo-  
cabulisq; Græcorum & Latino-  
rum colorum.



Hauorinus Philōsophus, cum ad M.  
Frontonem cōsularem pedibus ægrū  
uiferet, uoluit me quoq; ad eum tecū  
ue. Ac deinde cum ibi apud Fronto-  
nē plerisq; uiris doctis præsētib;,  
sermōnes de coloribus uocabulisq; eorum agita-  
rentur, quod multiplex colorum facies, appella-  
tiones autem incertę & exiguę forent: Plura, in-  
quit, sunt Phauorinus in sensibus oculorū, quā  
in uerbis uocibusq; colorum discrimina. Nam ut  
alias eorum concinnitates omittamus, simplices  
īsti, rufi & uirides colores, singula quidem uoca-  
bula, multas autem species differentes habent.  
Atque eam uocum inopiam in lingua magis la-  
tina uideo, quā græca: quippe qua rufus co-  
lor à rubore quidem appellatus est. Sed cum ali-  
ter rubeat ignis, aliter sanguis, aliter ostrum, ali-  
ter crocus, has singulas rufi uarietates, latina o-  
ratio singulis proprijsq; uocabulis non demon-  
strat



erat, omniaq; ista significat una ruboris appella-  
tione : cum tamen ex ipsis rebus uocabula colo-  
rum mutuetur, & igneum aliquid dicit, & flam-  
meum, & sanguineum, & croceum, & ostrinum,  
& aureum. Rufus enim color, & ruber nihil à  
uocabulo rufi differunt, neq; proprietates eius  
omnes declarant. ξανθὸς δὲ καὶ πυρρὸς, καὶ ἔρυθρος, καὶ  
φοινίκους scilicet, habere quasdam distātiās coloris  
rufi uidentur, uel augētes eum, uel remittentes,  
uel mista quadam specie temperantes. Tum Frō-  
to ad Phauorinū, non inficias im<sup>o</sup>, inq̃t, quin lin-  
gua Græca, quam tu uidere legisse, prolixior fu-  
siorq; sit, quā nostrā. Sed in ijs tamen colori-  
bus, quibus modo dixisti, designandis, non per-  
inde inopes sumus, ut tibi uidemur. Non enim  
hæc sunt sola uocabula rufum colorem demon-  
strantia, quæ tu modo dixisti, rufus, & ruber, sed  
alia quoque habemus plura, quā quæ dicta  
abs te Græca sunt. Fulvus enim & flauus & ru-  
bidus, & phœniceus, & rutilus, & luteus, & spa-  
dix, appellationes sunt rufi coloris, aut acuen-  
tes cum, quasi incendentes, aut cum cum colore  
uiridi miscētes, aut nigro infuscantes, aut ui-  
renti sensim albo illuminantes. Nam phœni-  
ceus, quem tu Græce φοινίκα dixisti, noster est :  
& rutilus, & spadix phœnicei συννώμα, qui factus  
Græce noster est, exhuberantiam splendoremq;  
significat ruboris: quales sunt fructus palmæ ar-  
boris non admodum sole incocti, unde spadi-  
cis & phœnicei nomen est. Spadica enim

Rufus co-  
lor  
Ruber

Fulvus  
Flauus  
Rubidus  
Phœniceus  
Rutilus  
Luteus  
Spadix

Dorici uocant auulsum ē palma termitem cū fructu. Fuluus autem uidetur de rufo atq; uiridi mistus, in alijs plus uiridis, in alijs plus rufi habere. Sic poëta uerborum diligētissimus, fuluam aquilam dicit & iaspidem, fuluos galeros, & fuluum aurum, & arenam fuluam, & fuluum leonē. Sicq; Ennius in annalibus fuluo ære dixit. Flauus contra uidetur ex uiridi, & rufo, & albo concretus. Sic flauentes comæ, & quod mirari quosdam uideo, frondes oliuarum à Vergilio dicuntur flauę. Sic multo antè Pacuuius aquam flauam dixit, & flauum puluerem: cuius uersus (quoniam sunt iucundissimi) libens commemini:

Cedo tamen pedē lymphis flauis flauum ut puluere,  
Manibus iisdem, quibus Vlyssi sæpe permulsi, abluā:  
Lassitudinemq; nimiam manuū mollitudine.

Rubidus

Rubidus autem est rufus atrore & nigrore multo mistus. Luteus contra, rufus color est dilucidior: unde eius quoq; nomē esse factum uidetur. Nō ergo, inquit, mi Phauorine, species rufi coloris plures apud Græcos, quam apud nos nominantur. Sed ne uiridis quidem color pluribus ab illis, quàm à nobis uocabulis dicitur. Neq; nō potuit. Verg. colorem equi significare uiridem, uolēs magis dicere equum quàm glaucum. Sed maluit uerbo uti notiore græco, quàm inusitato latino. Nōstris autem latinis ueteribus cœsia dicta est, quæ à Græcis γλαυκῶπις dicit: ut Nigidius ait: de colore cœli, quasi cœlia. Postq̃ hæc Fronto dixit, tum Phauorinus scientiam rerum huberem, uerborumq; eius elegantiam exosculatus, absq;

Æruleus  
Glaucus  
Cœsia  
Glaucopis

te,

te, inquit, uno forsitan lingua profecto Græca lōge anteisset, sed tu mi Fronto, quod in uersu Homérico est, id facies:

καὶ νῦν ἐπ' ἀρετῇ ἀμφήρισον ἔθικας.

Sed cum omnia libens audiui, quæ peritissime dixisti, tum maxime quod uarietatem flauī coloris enarraſti, fecistiq; ut intelligerē uerba illa ex annali, xiiij. Ennii amœnissima, quæ minime intelligebam:

Verrunt extemplo placide mare marmore flauo, Cæruleum spumat mare cōferta rate pulsum. Non enim uidebatur cæruleum mare cum marmore flauo conuenire. Sed cum sit ita, ut dixisti, flauus color uiridi & albo mistus, pulcherrime prorsus spumas uirētis maris, flauo marmore appellauit.

# LAZARVS

BAYFIVS DB RE VESTIARIA.

**A**Duertēdum ex cap. Gellij quod phœniceus, rutilus, & spadix sunt συνώνυμα & significant exuberantiam, splendoremq; ruboris, quales sunt fructus palmæ arboris nō admodum sole incocti, unde spadici & phœnicei nomen. Rubidus autem & rufus atrore & nigrore multo mixtus. Luteus quoq; rufus est, sed dilucidior. Viridis uero color appellatur quoq; cæruleus, qui à Græ-

Spadix  
Rubidus  
Luteus  
Viridis  
Cæruleus

D i cis

Glaucus  
Cæsius  
Cæculus

cis glaucus dicitur, unde Pallas *γλαυκῶπις* dicta, à uerbis autem latinis cæsia quasi cælia, à colore cæli, ut inquit P. Nigidius. Ausonius quoque de bisula latinæ dixit:

Oculos cæcula, flaua comas.

Cymatilis

Hoc est, ut uulgo loquimur, quæ habet oculos uirides. Illud interim mirari subit, quid in causa sit, quod nos Galli simul & Germani in puellarum forma oculos cæruleos laudamus, contra uero Romanis ac Græcis puellæ oculis nigris censentur. Cærulei coloris uestis dicitur & cymatilis, quia nomen sortitur ab undis: apud Ouidium.

Hic undas imitatur, habet quoque nomen ab undis.

# EXACTV

ARIO GRAECO DE COLORI

bus eis uidelicet, qui in urinis apparēt

a Lbus color aut niueus est, aut Chrystalleus, aut aqueus, aut lacteusque similis est lacti. Aut glaucus qui uelut cornu pellucidum, aut Charopus qui similis est pilis subalbidis cameli, uel

ungui lapillo sic appellato.

Color spiceus similis est bili infusæ humori, aut humori corticis & cici mali punici decocti. Subfulus quæ & subaureū dixeris, non usquequæque similis est puro auro. Fuluus color qui & aureus dictus qui puro ac sonoro auro similis est. Subcroceus color



color q̄ flori cartami herbæ similis est. Nouerūt  
quamplurimi florem herbæ uocatæ cartami, qui  
colore inferior est flore croci. Croceus color  
nihil differre uidetur à Croco Coryceo: cū om̄es  
croci aliorum locorum differant præstantiaco-  
loris à croco Coryceo. Aut si nunc non habeas  
propono tibi crocum qui ab Athio defertur.

Rubeus color est similis omnino croco optimo  
Subrubeus, floribus cartami: aut bolo Armeni-  
co & Lemnio sigillo. Rubeum uero & puni-  
ceum similem cogitaueris illis pomis quæ rubeū  
colorem præ se ferunt, ueluti cerasis & malis &  
alijs id genus, quæ lenitate corticis, & maturatio-  
ne, & coloribus differre uidentur. Vineus co-  
lor nomen id accepit à uino quàm rubrum est ni-  
griore, existitq̄ simile colori hepatis. Quamob-  
rem oportet hæc sciētem interdum inspicere he-  
par animalis rationalis uel irrationalis: interdū  
eiusmodi uinum bibere: deinde ubi uiderit consi-  
derare de uineo colore, Memini sæpe numero  
eiusmodi uinum in foro uidisse à mercatoribus  
conuectum, quod adeò erat uineo colore perfu-  
sum, ut cados etiam quibus uectum fuerat, pro-  
prio colore affecisset. Quinetiā paræ eiusmodi ui-  
ni plurimę aquæ mistum etiam rubicūdo colore  
spectatur. Passus uero color est qui ex inten-  
sione uineo præstitit, maxime similis passo, q̄ ex  
uua nigra decocta fieri nouit unusquisq̄. Hoc pa-  
cto habet: & si sint qui ambigunt passum etiam fi-  
eri musto decocto, usq̄ ad tertiam partem. Adde  
quoq̄, ut clarior notio fiat, cerasi fructus colorē,  
qui

qui ad nigredinem inclinat. Venetus qui & cæruleus dicitur omnibus notus, qui ex puro albo atque nigro æqua ratione confusis gignitur. Et si id ipsum sensu etiam uelis nosse, cerussam uel lectissimam calcem, uel aliquid aliud simile atramento, uel pici, uel bitumini, alijs'ue puris nigroribus si miscueris æquis ponderibus, Venetum colorem eo modo productum uideris. Viridium colorum alius est, ut qui in folijs brassicæ: alius, ut qui in smaragdo, ita ut ex his accepint appellationem. Oleaceus color qui refert olei similitudinem. Liuidum colorem esse plumbi colorem si quis dixerit, is apposite rem aperuit. Niger omnibus notus est.

INDEX

# INDEX COLORVM

33

## A

Albus Ca. 4.13. Pla. Aët. ca. 13  
Amethystinus ca. 13  
Anthrax ca. 3  
aquila fului colo. ca. 11  
aquilus color cap.3  
arquatus color ca. 13  
arenæ color ca. 11  
ater ca. 3  
atrabapticæ uestes ca. 3  
atram nquē dixit Anaxagoras ca. 4  
aues uerū colores cur c. 25  
auri color ca. 11  
aureus color ca.13

## B

Bæticus color ca. 3  
Balaustinus color cap.13  
barba rufa nō rubra. cap.7  
Burrhus cap.7  
buxeus ca. 13  
byssum lini genus ca. 13

## C

Cadauerosa facies. ca.4  
cæsius ca. 2  
candens ca. 4  
candidus Ibid.  
canes rufæ Romæ immo ca. 7  
labantur ca. 13  
canes muscati. ca. 4  
canus ca. 4

Catilinæ oculi

cardui color ca. 13  
Charōtis color ca. 2.& 23  
Charontis nauicula. ca. 6  
charopos ca.2. & Aëtua. ca. 2  
charops Hercules ca. 2  
citrosa uestis ca. 13  
cæli color ibidē.  
cælū ferrugineū ca. 6  
cæruleus co. ca. 1.13 Aëtua.  
cærulei à cæsis drña. ca. 2  
coccus ca. 13  
coccina uestis ibid.  
colores austeri ibid.  
colores sordidi ibid.  
colores suaues ib. & 9  
colores tristes ibid.  
coloriæ uestes cap. 5  
colossinus ca. 15  
columbæ colli col. ca. 13  
coloriscæ fasciolæ cap. 3  
conchyliatus cap.13  
coracinus ibid.  
concolor cap.13  
croceus col. ca.12.& 12  
cucumis cap. 1  
cur indices librorū puni-  
cæo notentur. cap.13  
cyaneus ca. 1  
cymatilis ca. 13

## D

Decolor

# INDEX COLORVM


decolor	ca. 13	incarnatus	cap. 6
discolor	ca. 12. & 13	incerti colores	ca. 13
dies attri	ca. 5	Indicus	ca. 1
diuifa	ca. 13	insuasus	ca. 5
E		inuidi cur liuidi	cap. 3
Eburneus co.	ca. 13	L	
Equorū colores	ca. 2. 3. 4	Leonis oculi	ca. 2
(7. 10. 13)		Leucophæos	ca. 4
G		Leporis dorsum	cap. 5
Galbina uestis	ca. 13	Liuidus	ca. 3
Galbinus	Ibid.	Lugentium co.	ca. 5. & 6
giluus	ca. 7. Gel.	Lupi co.	cap. 11
glaucus	ca. 2. Laza.	Luteus	ca. 13. Laza
Glaucopis	Gel. Laza.	Luridus	ca. 11
Græcarū mulierū in fune-		Luteolus	Pla.
ribus pducēdis uestes. 1		M	
H		Maculosus	ca. 13
Heluus	ca. 7	Maris color.	ca. 1 & 13
Herbidus	ca. 13	Melinus	ca. 13
Hercules charops	ca. 2	Mineruarū oculi.	ca. 2. & 13
Hispanus co.	ca. 13	molochinus	ca. 13
Hyacinthinus	ca. 13	moreus	Pla.
Hyacinthi cur ferruginei	(cap. 6)	mors atra cur dicat.	ca. 5
hyfginus	ca. 13	mulieribus matrimonio	
hyalinus	Ibid.	iunctis quis color de-	
I		ceat	ca. 5
Ianthinus	cap. 13	murinus	ca. 13
Ictericus	ca. 13	muriceus	Ibid.
igneus	ca. 13	mutinensis	Ibid.
impluuiatus	ca. 5	N	
		Natiuus	ca. 4. & 5
			Neptuni



# INDEX COLORVM

35

Neptuni oculi	ca. 2	roseus	ca. 7
Neronis oculi	Ibid.	ruber	ca. 7. & 8
Niger cap. 3. & 13. Pla.		rubidus	ca. 7
Nix purpurea	cap. 8	rubeus	Ibid.
nocturnus	cap. 2	rufus	Ibid.
O		rufus	Ibid.
Olorinus	ca. 13	rufus	Ibid.
Olor purpureus	cap. 8	rutilus	Ibid.
oculi caesi & rari	ca. 11		
Oricalchi co.	ca. 11	Sarranus	ca. 13
vitrinus	cap. 13	Sandycinus	Ibid.
P		Sandaracinus	Ibid.
Pallidus	cap. 11	Sanguineus	Ibid.
Palma	cap. 10	scutulatus	Ibid.
paonacius	ca. 10	filaceus	Ibid.
papauerata uestis	ca. 13	sordidus	Ibid.
phoeniceus	ca. 10	spumeus	Ibid.
pomilatus	cap. 13	suasus	Ibid.
prassinus	ca. 12. & 13	suavis	Ibid.
pressus	ca. 13	Thalassinus	ca. 13
Pistraci co.	ca. 12	Tyrius	Ibid.
pullus	ca. 5 & 13	Tyrianthinus	Ibid.
pulli animalium	ca. 5	Tyriamethystus	Ibid.
punicus	ca. 10. & 13		
purpureus ca. 8. & 23. Pla.		V	
R		Varius	Ibid.
Rarus	ca. 11	Vinctus	cap. 1
robustus	ca. 7	Verficolor	ca. 13
Romanae mulierum uestes		Violaceus	Ibid.
in funeribus producen-		Viridis	ca. 12
do	ca. 3	Vitreus	ca. 13
		Xerampelinus	cap. 8



SPECIAL 85-B  
26937

GETTY CENTER LIBRARY







TITLIVS

ET

CAPIVS

ABSQVE

NOTA